



# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071

Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২ নভেম্বর ২০০৬

## ভিসা পরিষেবার উন্নতি ঘটাতে মার্কিন কনসুলেটের নতুন পদক্ষেপ

কলকাতা -- মার্কিন যুক্তরাষ্ট্রের অনভিবাসী ভিসা আবেদন প্রক্রিয়াকে দেশ জুড়ে আরও সুষ্ঠু করার অঙ্গ হিসাবে কলকাতার মার্কিন কনসুলেটও ভিসার জন্য সাক্ষাৎকারের প্রতীক্ষার সময়সীমা কমিয়ে এনেছে। অক্টোবর থেকে ডিসেম্বরের মধ্যে নির্ধারিত সূচীর সঙ্গে কনসুলেট অতিরিক্ত সাড়ে চার হাজার সাক্ষাৎকারের দিনক্ষণ যোগ করেছে।

প্রতীক্ষার সময় যখন বেশি ছিল তখন যাঁরা তারিখ নিয়েছিলেন সেই সব আবেদনকারী এখন আবার নতুন করে সাক্ষাৎকারের দিনক্ষণ এগিয়ে আনতে পারবেন। এক্ষেত্রে তাঁদের [www.vfs-usa.co.in](http://www.vfs-usa.co.in) ওয়েবসাইটে লগ অন করতে হবে। যে সব আবেদনকারীর ইন্টারনেট সংযোগের সুবিধা নেই তাঁরা নিকটবর্তী ভিএফএস অফিসে গিয়ে সাক্ষাৎকারের দিনক্ষণ বদল করতে পারবেন।

সব আবেদনকারীকেই অনলাইনে আবেদন করতে হবে। যাঁদের এই সুবিধা নেই তাঁরা ভিএফএস অফিসে হাজির হয়ে সহায়তা চাইতে পারেন। এ ব্যাপারে বিশদ জানতে <http://calcutta.usconsulate.gov> ওয়েবসাইট দেখুন। ভারতে মার্কিন ভিসার সাক্ষাৎকারের জন্য বরাবরের মতো বকেয়া প্রতীক্ষার অবসান ঘটাতে সকলেরই উচিত বাড়তি সুযোগের সদ্ব্যবহার করা।

## ভিসা সম্পর্কিত প্রয়োজনীয় তথ্য: কলকাতার কিছু পরিসংখ্যান

- ? কলকাতায় এখন দু'জন স্থায়ী কনসুলার অফিসার আছেন। নভেম্বরে তৃতীয় একজন অফিসার স্থায়ী ভাবে যোগ দেবেন।
- ? আরও বেশি সংখ্যক ভিসার আবেদন পরীক্ষা করতে নভেম্বর ও ডিসেম্বরের জন্য কলকাতায় দু'জন অস্থায়ী অফিসারকে হংকং ও প্যারিস থেকে পাঠানো হয়েছে।
- ? নতুন উদ্যোগের সূচনার পর থেকে এ পর্যন্ত সারা দেশে অনভিবাসী ভিসা প্রসেসিং-এর হার দৈনিক ৫০ শতাংশ বেড়েছে।
- ? কনসুলার কাজের পরিধি বাড়াতে কলকাতার কনসুলেটে বাড়িরও উন্নতি ঘটানো হচ্ছে। ২০০৬ সালের ফেব্রুয়ারিতে ভিসা সাক্ষাৎকারীদের জন্য একটি 'গেজিবো' বা প্রতীক্ষালয় তৈরি করা হয়েছে। বর্তমান পরিকল্পনা অনুযায়ী কনসুলার এরিয়ার ভিতরেও বসার জায়গা এবং সাক্ষাৎকারের জন্য আরও দুটি জানালা বাড়ানো হবে। হায়দরাবাদে আরও একটি নতুন কনসুলেট খোলা হচ্ছে এবং সারা ভারতে 'ভিসা প্রসেসিং উইন্ডো'-র সংখ্যা ৩২ থেকে বাড়িয়ে ৭৪ করা হচ্ছে।
- ? কলকাতায় ব্যবসায়িক ভিসার সাক্ষাৎকার ত্বরান্বিত করা হচ্ছে 'বিজনেস এক্সপ্রেস প্রোগ্রামের' (বিইপি) মাধ্যমে।
- ? বাড়তি চাহিদার মরসুমে ত্বরান্বিত কলকাতায় স্টুডেন্ট ভিসার ত্বরান্বিত সাক্ষাৎকার।

## ২০০৫ সালের ভিসা পরিসংখ্যান

? বিগত বছরে মোট ২৬,৮৬০ টি আবেদনপত্র বিবেচনা করা হয়েছে।

-- বিজনেস / টুরিস্ট (বি ১/বি ২)	১৪,৩৯৪	৫৪%
-- টেম্পোরারি ওয়ার্কার্স (এইচ)	৪৭৭৫	১৮%
-- ইন্টারকম্পানি ট্রান্সফার্স (এল)	৪০৫৮	১৫%
-- স্টুডেন্টস (এফ/এম)	১৭৯৪	৭%
-- ফ্রু (সি ১/ডি)	৭৪২	৩%
-- এক্সচেঞ্জ ভিজিটর্স (জে)	৬৭৩	৩%
-- পারফরমার্স (পি)	২১৯	১%-এর কম
-- রিলিজিয়াস (আর)	২০৫	১%-এর কম

এই মুহূর্তে ডিসেম্বরের শেষ পর্যন্ত ভিসার সাক্ষাৎকারের জন্য মোট ৫০০০ টি জায়গা খালি রয়েছে। এর মধ্যে মাত্র ২৮০০ টি সাক্ষাৎকারের সময় বরাদ্দ হয়েছে। অর্থাৎ ২২০০ টি সাক্ষাৎকারের জায়গা এখনও খালি !

\*\*\*\*\*